

Tajuk : UNIMAS mujur ngaga gula mulung

UNIMAS mujur ngaga gula mulung


KOTA SAMARAHAN : Semak Hari Krismas ujung taun tu, setan gula ke digaga ari mulung deka dikeluarka ba Sarawak asil ari pansik bekaul enggau industri mulung ke dipejalaiaka Fakulti Sains enggau Teknologi Sumber, Universiti Malaysia Sarawak (UNIMAS).

Pengelicha ti mega nyadi seiku pemansik ari fakulti nya, Prof Dr Kopli Bujang madah, pansik senentang gula ke digaga ari mulung bepun dipejelai ari taun 1999, lalu ripot keterubah bisi dipansutka dalam Ripot Ujung Taun IC Biotech Universiti Osaka maya taun 2000.

Iya madah, chukup muntang gaga gula ari sagu laban diatu udah mayuh perengka teknologi. Gula mulung tu ulig tembu digaga dalam timpuh empat ngagai enam jam nengah chara hidrolisis ngena kinjur ke bisi dalam kanji mulung tauka maya iya angat 90 darjah selsius.

Maya diatu, kira sekilogram kanji mulung ulih ngasilka sekilogram gula.

Ai gula mulung ke udah



GULA MULUNG ... Gaya gula mulung ke mujur digaga Fakulti Sains enggau Teknologi Sumber, Universiti Malaysia Sarawak (UNIMAS).

anchur ngena karbon tau nyadi kristal pengudah iya digaga dalam oven. Kira 96 peratus isi iya dikumbai glukos lalu laluh iya dikumbai maltos.

Pansik keterubah tetemuka asil iya 50 peratus manis baka gluks tulin, kurang kalori lalu manah ungkup orang ke bisi penyakit kemi manis, ku iya madah ngagai pemberita pengudah pengerami

bejadi Simposium Mulung Gerempung Menua-Menua Asia Tenggara (ASEAN) Ke-2 ba ditu kena Hari Satu tu tadi.

Taja pia, iya madah naka ke diatu pansik sida semina lebih ngagai chara ngasuh gula mulung tu manis lalu ukai dikenya mutarka orang ke ngembuan penyakit kemi manis.

Beduduk ari asil pansik nya,

iya madah UNIMAS ulih nulung ngangkatka pemanah ekonomi nengeri nengah asil gula mulung ke dieskport ke menua bukai.

Sarawak deka bulih untung 100 peratus asil ari kanji mulung ke dikenya ngaga gula laban setan tebu semina ulih dikenya ngaga 100 kilo gram gula tauka kira-kira tujuh ngagai sepuluh peratus asil dikenya ngaga gula, ku iya.

Naka ke diatu, UNIMAS ku iya ulih ngaga 50 kilogram gula ba makmal lalu nukar gula nya ngagau etanol beppanggai ba peminta makit.

Taja baka nya, pengawa ngaga etanol begunaka unkus ti besai, nya alai kami diatu semina berunding deka ngaga gula mulung dikenya nambahka penyampau gula ke bisi ba Malaysia ke maya hari tu.

Pansik bekaul enggau gula mulung nya ku iya dikereja begulai entara bala kaban ari Fakulti Sains enggau Teknologi UNIMAS enggau Prof Emeritus DR Ayaaki Ishizaki ari Universiti Kyushu.